



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA

QUOD LIBETARIIS DISPUTATIONIBUS

manè discutienda in Scholis Medicorum, die Martis decimâ-septimâ

Februarii, anno Domini M. DCC. LXXXIX.

M^r. PETRO BERCHER, Doctore Medico, Præside.

An imaginatio in Physicum agere valeat & vicissim?

I.

HUIC enodandæ quæstioni præmittere juvat definitionem imaginationis quam ut apprimè cognoscere sic definire perarduum est: si plerosque persolveris libros, vix quidquam, præter immensam definitionum sese mutuo oppugnantium farraginem reportabis, nec facile erat id vitium fugere, cùm plures auctores omni vento doctrinæ agitati vix intellexerint quid imaginationis nomine audiendum sit?

C 36

Quidam eam confundunt cum ingenio, alii cum memoriâ, cum attentione: eorum igitur elucubrationes quas hic referre longius foret, omittentes, ne tempus adeo pretiosum terere videamur, breviter exarare conabimur, 1°. quid sit imaginatio, 2°. memoria, 3°. ingenium, 4°. attentio?

Est autem imaginatio facultas quæ res exteriores atque absentes, tanquam præsentibus nobis sistit, idque organo spirituum animalium qui vestigia in cerebro ab objectis visis prius impressa, refricant. Nec tantum objecta absentia nuda & qualia sunt nobis sistit, verum etiam multiplicat ac conjungit, quæ aut pauca, aut separatim visa sunt, vel dividit quæ conjunctim objecta fuerunt.

Sive sponte, sive ex animæ voluntate rerum vestigia animæ repræsentantur; dicitur *memoria*, quando signa revocantur, & *imaginatio*, quando ipsæ sensationes renovantur. Alii homines signorum memoriâ pollent (1), miramque possident nominum repetendorum facultatem; alii imaginatione vividâ excellunt, ut sensationes vetustas penè æquæ valentes sibi repræsentent, ac quidem fuerunt cum primum sensorio organo se offerrent. Illud eruditos viros facit, hoc Poëtas, Pictores, &c. Est autem signorum repræsentatio debilior, & minoris efficacis quàm imaginum (2), & repræsentatio, quæ fit à memoriâ, debilior est in sano homine, quàm sensatio quæ nunc à corpore sensus nostros feriente excitatur.

Potest autem imaginatio ita vividè sensationem repræsentare, ut à præsentis corporis impressione distingui nequeat.

Si valissimum fuerit sensationis vestigium, poterit sensationem æquare robore, & perinde pro verâ haberi externi objecti impressione, ac quidem ejus modi impressio per sensus allata pro verâ habetur.

In distinguendis ideæis *judicium*, in his uniendis ponitur *ingenium*. Primum comparat ideæas, ideò lentius. Alterum requirit majorem in ideæis coram animâ apparentibus celeritatem, summum ingenium Cæsaris fuit qui quatuor Amanuensibus (3) Epistolas distaret, & etiam tempestatis, quoties ab alio labore vacabat.

Velox est ingenium neque lento examine notiones omnes expandit, ut earum discrimina inveniat. Ingenium igitur est summus facultatum intellectus gradus.

(1) Signa quidem ex solâ idearum associatione nascuntur, & per repetitionem memoriæ imprimuntur.

(2) Condillac (*Logique de*) p. 55.

(3) Plinius, lib. 7, cap. 25.

Longiori temporis intervallo sistit intellectus circa unum idemque objectum, & hæc est attentio quæ valide agit in physicum, uti infra exponemus. (1)

Imaginationis agendi modum exponere nostri non est instituti, magna namque & supra vires conaremur, rimari necesse foret quomodo anima supra corpus agere possit, quod solus Deus cognoscit. Hinc facultatis hujus effectus varios tantummodò evolvere satagemus, 1^o. in corpus sanum, 2^o. in ægrotum.

I I.

DIVIDITUR imaginatio in sanam vel naturalem & ægram, sive præternaturalem. Utriusque quanta sit in physicum potentia, testantur variorum effectuum inde dependentium observationes: illas mittendo quas in medium protulerunt Fienus & plures alii qui circa formationem foetus tractatus integros scripserunt; & cujus miraculi nodum rupisse non solvisse videtur Galliarum Plinius (1).

Nonne experientiâ constat animi pathemata in physicum agere? Vividiora circulationem augent. Ira violenter exagitat omnes humores, sanguis ad peripheriam corporis validius pellitur: hinc facies rubescit, oculi prominent, pulsus celerrimus, cerebrum obruitur, incitato sanguinis ictu, inde apoplexia, insania, mors subita uti testantur plures observatores. Iram meritò representant Seneca & Plutarchus tanquam alteram megeram furiosissimam, truculentissimam, audacissimam, crudelissimam, ac summè omnibus terribilem (2).

Gaudii violentior est affectus, modicam tamen cordis palpitationem (3) facit, ruborem faciei, calorem, perspirationem auctam, lacrymas cum sensu mirifico tenerrimi adjuncti, & exoptati doloris, febrem (4) acutam, si maximum & subitissimum fuerit, & deliquia animi, subitasque demùm mortes (5).

Amor ipse sanguinem incitat, pulsum accelerat cum inæqualitate; sic olim Antiochi amor ex pulsu detectus legitur. Vehementior & propior possessioni summum calorem, palpitationem, ruborem, robur, penè cum tremore, & sensum

(1) Hist. Nat. Tom. IV, in-12. p. 113 & seq.

(2) Quercetan. Diæticæon Polyhist. p. 51.

(3) Kemper. de Valvul. p. 25.

(4) Rhod. Obs. 5, lib. 1.

(5) Boerh. del Morbi nerv. p. 553. Sanctæ fect. 7 n. 12.

quasi ignis per vasa artuum fluentis, facit. Menses ante diem excitatos fuisse asserit Haller (1).

Lætitia moderata & purior salubris est affectus, omnes vitales motus incitat, perspirationem auget, in morbis convalescentiam adjuvat, novis quasi cordi viribus additis. A lætitiâ vita longa susinetur.

I I I

DIVERSUM omninò effectum produciunt lenta seu tristitia animi pathemata. Mœror vel tristitia frangit motum cordis, ita ut suspiriis necesse sit transitum per pulmonem expedire, tollit appetitum, vires, perspirationem, mensesque minuit (2), aperit poros ad recipiendum pestis miasma; pallorem & œdema inducit; ad schirros & caneros disponit, morborum putridorum & malignorum causa est (3). Major si evaserit, palpitationem ciēt, pulsus inæquales, in utroque brachio dissimiles (4) reddit, gangrenas in vulneribus (5), amaurosim accersit, denique occidit brevi aut subitò. Adeò vehemens animo inhæret, ut narcoticis etiam validissimis quandoque superari nequeat (6). Nostalgia mœroris genus ægros sensim consumit, & paululùm destruit, nonnunquam in rigorem, maniam vel in febres lentas abit.

Metus multa similia facit, pulsuum imminuit, canitiem subitam producit, sanguinis motum sedans, hæmorrhagias, menses (7) & perspirationem supprimit, vulnera reddit lætalia, morbos funestos producit, ventriculi & intestinorum vires debilitat. Denique musculorum motum delet, ita ut præ tremore fugere non liceat; hinc paralyfis, amaurosis, aphonia, melancholia (8) durabilis, amentia diuturna, epilepsia (9).

(1) Elem. Physiol. Tom. V, lib. xvii, sect. 2.

(2) Mercurialis Morb. Mulier. lib. iv.

(3) Baglivi Prax. Med. lib. iv.

(4) Morgagni de Sed. & caus. Morb. T. I, p. 254.

(5) Dionis Operat. de Chirurg. p. 472.

(6) Young opium, p. 28.

(7) Baglivi, p. 537.

(8) Tulp. lib. iv, cap. 54.

(9) Boerh. Morb. nerv. p. 201. Van-Swieten, Tom. 3, p. 393. Journ. Med. an. 1683.

Magnus metus mortem nonnumquam intulit. Mortuus est, cui mortis sententia pronunciata fuerat, ut fert Schenklius.

Eodem ferè modo agit attentio, omnes suspendit suspendit vel saltem imminuit secretiones; qui calculos difficiles obvolvunt, vix respirare audent, ne peregrina sensatio necessariam idem constantiam interrumpat, hinc qui pertinaci & diuturno studio operam navare solent; variis morbis scilicet epilepsiæ, anevrismatibus aortæ, palpitationibus cordis, malis digestionibus, &c. obnoxii fiunt.

V.

IMAGINATIONEM in physicum agere abundè liquet ex antea dictis, nunc probandum incumbit physicum in imaginationem ipsam vicissim agere; enim verò corpus tali vel tali modo mutatum mirabiles effectus producere neminem fugit. Magnetismus animalis qui superioribus annis tot animos suspensos & hærentes tenuit, est inconcussa imaginationis aberrationum probatio, illius auctoris historiam hic exarare supervacaneum foret, norunt omnes hunc Medici personæ callidissimum simulatorem Vindobonæ natum condidisse systema in quo asserit ad se ipsum appellare à lunâ fluidum quoddam, vi cuius sanitatem ægris omnibus restituere se posse jactitat.

Doctrina hæc jam antiquata auctorem agnoscit quemdam germanum Maxwel qui labente, ni fallor, sæculo xvi degebat. Flud hibernus natione eadem deliramenta jam pepererat.

Eorum systema innovandi prurigne detentus denuò in tenebris eduxit Mesmerus.

Imaginationem magno rerum apparatu, extraordinariis agendi modis, multis promissis, musice, variis digitorum motibus, &c. occupare studet.

Omnibus compertum est quàm facile sit imaginationem hippochondriacorum atque nervosorum extollere.

In his sensus exquisitissimus est ex minimo vulnere, vel animi affectionibus nervorum dissensione: per univèrsum corpus oriuntur. Hujusce farinae ægrotantes, nulla sanationis spe affligente, blateronibus sanitatem promittentibus confidunt. Aliquo tempore decipiuntur. At moxmox vana eorum spes in aëra avolat cum promissorum hiatu (1).

(1) Multos & multiformes imaginationis errabundæ effectus legere est in libro cui titulus: *Rapport des Commissaires chargés par le Roi de l'examen du Magnétisme animal*.

Neminem fugit quantum ebrietas, pubertas, gravitas, clima, victus, alique illius generis corporei stimuli in mores valeant.

1°. Ebrietas mansuetum & mitem ferum hominem & inhumanum quandoque reddit. A vino, à febrisus celerius ideæ repræsentantur, & efficacius, & ideo à corpore ingenium pendere videtur. Anima tamen semper est quæ ideas comparat.

2°. Pubertatis tempore succedit novus ordo rerum in utroque sexu. Validius fit corpus, evolvuntur intellectus facultates, firmior cogitandi methodus: jam non amplius placent quæ antea delectabant, in puellis fororiantur mammae, animi passiones vividiores fiunt, erumpunt menstrua quæ fecunditatem indicant, &c.

3°. Gravitas mutationes innumeras in corpore producit, quædam gravidæ mulieres non raro incidunt in maniam quæ in partum usque protrahitur, aliæ absurda appetunt, imò quandoque stercorea desiderant, & cum appetitu ea devorareprehenduntur. Quædam Boulinio aliæ inapetentiâ laborant.

4°. Clima. Vividi, agiles salaces sunt populi proprio sole ferventes, illis prompta loquela, fertile, perspicax, poeticum ingenium, vehementiora denique omnia animi pathemata. Minus prompti, minus sensibiles, robustiores, & magis bellicosi populi polis viciniore, longior eis animi contentio, iudicium rectius, constantia diuturnior, audacia major.

5°. Victus. Viribus & ferociâ pollent qui cibos digestu difficiles, carnes animalium edunt, qui spirituosos liquores hauriunt: carnibus crudis vescitur, perpetuò venatur immitis & robustus Tartarus. Vegetabilibus pascitur, aquâ sitim sedat, vitam placidam & otiosam ducit mansuetus & imbellis Brama, &c. &c.

V.

MEDICO se se accingenti, ad moderanda animi pathemata, & ad sedandam imaginationem generalis indicatio hæc adimplenda incumbit, scilicet ut vividiora, quantum fieri poterit, tristibus & reciprocè opponat, omne ferret punctum, qui unum alii v. g. spem metui, nocerori gaudium substituere perfectè calleret.

Ab imaginatione phantasmata pro veris rerum speciebus supeditante pendent

omnia mala ex pathematibus oriunda, irā summum medicationis scopum attingeret, qui illam frænare & dirigere, qui illius errores tollere, veritatique præviā facere fugare noverit.

Mœrori & metui opitulatur conditio miserantium aliquid ferendum de malo alieno sibi assumendum, consilia amicorum, fortitudinem animo prostrato redentium, expectatio alicujus boni futuri, perceptio gratarum sensationum, visus etiam mali alicujus majoris & constantiæ patientium. Multum quoque narcotica prodesse possunt, experti manu exhibita.

Nostalgium spe aliquandū recreabis, languentem verò & in pejorem statum ruentem, solo in patriam reditu saluum facies.

Et dulcem matrem, dulces que revivere natos.

VIRGIL. *Æneid.*

Territo periculum vitatum esse vel abesse indigita: terroris verò præteriti effectus debella, sensus tumultuantes pacificando, fluida torpentia, functiones peremptas, stimulando. Amoveatur sedulò causa terroris, & ab oculis ægri prorsus exulet.

Ira plerumque rationi obsurdescit, resistentiā exercebatur, mollescit respondentium mansuetudine; *responsio mollis frangit iram*; illam quoque mitigant excitata opportunè alia animi pathemata.

Pathemata quæ lustravimus, etiam vehementissima, non semper malis effectibus, exitu funesto horrescunt nonnunquam è contrā bona magna pepererunt, sic mutis linguam solverunt terrot, ira (1); vomicam lethalem expulit risus immodicus. Imaginatio vanis opinionibus infarsita, gratèque spe salutis, aut alius boni delusa morbos equidem profligavit, sanitatem accersivit: idèd ne movendi sunt isti affectus? idèd ne imaginatio phantasmatis est decipienda? Periculosa quidem sæpe alea. Circa eandem materiem plurima superessent dicenda:

*Sed jam summa procutruittatem culmina fumant,
Majoresque cadunt altis de montibus umbrae.*

VIRG. *Eglog. I.*

(1) Gaubius de Regimine Mentis, p. 129.

Undè concludere instat :

Ergò imaginatio, seu homo moralis in physicum agere valet & vicissim.

DOMINI DOCTORES DISPUTATURI.

M. Matthæus GÉRAUD.
M. Joannes-Josephus GILLE.

M. Antonius-Petrus DEMOURS.
M. Jaannes-Baptista-Adrianus
ROSE DE L'ÉPINOY, Chir.
gallico idiom. Prof. designatus,
in annum 1789-90.

M. Simon-Anton. BRINGAUD.
M. Claudius-Josephus GENTIL,
Rei Herb. ann. 1765-66 Prof.

M. Joannes-Jacobus-Hieronim.
DUCOS.

M. Josephus-Franc. BOURDIER
DE LA MOULIERE, Physio-
logiæ & Pathologiæ Professor
designatus in ann. 1789-91.

M. Edmund-Thomas MOREAU,
Physiol. & Pathol. ann. 1760-
62, iterum ann. 1774-76, U.
Pharmac. ann. 1770-71 Prof.

Proponēbat Parisiis CLAUDIUS COUILLEROT DES CHARIERES, Bisuntinensis,
Doctor Medicus Rhenensis, necnon Saluberrimæ Facultatis Medicinæ
Parisiensis Baccalaureus, Theses Auctor.

A. R. S. H. 1788. AB OCTAVA AD MERIDIEM.

Typis QUILLAU, Saluberrimæ Facultatis Medicinæ Typographi. 1789.